



UNIVERSITÄTS-
BIBLIOTHEK
PADERBORN

Universitätsbibliothek Paderborn

De Collegiis Canonicorum Per Germaniam, Belgivm, Galliam, Hispaniam, Italiam, Aliasque Orbis Christiani Prouincias, Liber Singvlaris

Le Mire, Aubert

Coloniae Agrippinae, 1615

Capvt Ll. S. Bartholomæi Collegivm Bethuniense, in d. Atrebatensi.

urn:nbn:de:hbz:466:1-11227

CAPVTLI.

S. BARTHOLOMAEI COLLEGIVM

Bethuniense, in d. Atrebatensi.

IN S. Bartholomæi collegiata apud Bethunienses quiescit *S. Iorius*, Montis Sina Episcopus. Cæterum Bethuniensium traditio habet eum, voti & religionis causa, inuisisse Bononiæ memoriam Deiparæ Virginis; inde propter viciniam loci diuertisse Bethuniam ad quendam, qui ipsi aliquando famulatus fuerat: apud quem nemine conscio, nocturno tempore, ad lucem æternam migravit. Famulus morte deprehensa, & sibi ex ea metuens à iudice molestiam, corpus sanctum intra domesticos parietes sepeliuit. Sed res per crebras apparitiones detecta fuit. Vnde viro sancto data est dignior sepultura, quæ adhuc cernitur intra Ecclesiam D. Bartholomæi, in sacello quod postea in honorem ipsius Iorij Dedicatum est. Cùm autem eo etiam in loco memoria illius miraculis crebresceret, caput deceter exornatum repositum est in sacratio; reliqua sacra pignora in summo altari. In huius autem rei memoriam vtriusque sepulture locus, religiosè colitur. Nam & priuatæ illæ ædes annuè exornantur in die natali, caput sacrum eò defertur, & ad sepulchrum piè concurritur; circa quod multam lucem diuinitus apparen-

apparentem sese conspexisse testantur multi
superstites.

Sic ferè Molanus in natalibus Sanctorum
Belgij.

CAPVT LXIII.

MOSPVRGENSE OLIM MONASTERIVM
*nunc Canoniorum collegium in d.
Frisingensi.*

ARnoldus Imperator monasterium &
Abbatiam *Mospurg*, anno 895. dedit ac
subiecit Ecclesiæ Frisingensi, vt perpetuò sub
eius defensione & potestate esset, Ita legitur in
libro traditionũ Frisingensis Ecclesię. Tribuit
illi monasterio etiam pascua in loco vbi Am-
bra in Isaram cadit. Confirmavit hanc subie-
ctionem & donationem Arnoldi Imperatoris
Otho primus Imperator anno 940.

De hac re exstat etiam sententia Adalbero-
nis Comitum, in cuius comitatu *Mospurg* sitũ
est, ex mandato Cunradi Imperatoris; Qua
sententia *Mospurg* monasteriũ Ecclesię Fri-
singensis iuri ac Dominio perpetuo adiudica-
tur, anno 1127.

Henricus sanctus à fundamentis exstru-
xit templum *Mospurgij* pro sæcu-
laribus sacerdotibus, Auen-
tino teste.